

## **Luguru - Agape Ghamaandiko Mahenzeluka - God's Love Letter Scriptures**

**Yohane 15:9 Nowanoghela mwemwe ka Aba pfayanoghele nene. Lelo  
mkale aku mwomanya ka nomnoghelani.**

**Isaya 43:1,2 - WaEfeso 2:10 Mana twetwe twa pfilumbe we Imulungu, na  
kwa kwilunga na Yesu Kiristu, Imulungu katulumba tukale kwa kutenda  
ghanoghile, ghayalongole kutwikila tughatende.**

**Yeremiya 1:5 - WaGalatiya 1:15 Lekeni Imulungu kwa uluso wake  
tsakanisaghula kulawa hala ng'ana nyelekighwe, kanikema nimtumikile.**

**Yohane 15:16 Si mwemwe bae yamnisaghule, ila nene yanimsaghuleni  
mghende na mweleke ghamatunda, ghamatunda ing'aghousa bae. Kuya  
Aba katsomwing'ani chochose ichamlomba kwa tagħwa lyangu.**

**3 Yohane 1:2 Sale yangu, nokulombela pfinu pfako pfigħende ghoya na uwe  
mghima, ka muhe wako pfaughendelela ghoya.**

**Isaya 43:4 - 1 Petiri 2:9,10 Lekeni mwemwe mwa iwanu imsaghulighwe,  
watambika wa Mndewa, kingili lye iwanu wahenzeluka, iwanu we  
Imulungu mwenyegħo, iyamsaghulighwe kutsipeta sang'ano ng'ulu tse  
Imulungu iyawakemile kulawa mchisi mwiegħile mne għumwanga ghwake  
ighukangawatsa. 10 Ghumwande mwemwe ng'amkalile bae iwanu we  
Imulungu, lekeni sambi mwemwe mwa iwanu wake, għamatsuwa agho  
ng'ambokele bae libatsi lyake, lekeni sambi mbokela libatsi lyake.**

**Yeremiya 31:3 - WaEfeso 1:4 Apfo hata ng'ana isi ilumbighwe bae, Imulungu  
tsakatusaghula twetwe tuwe iwanu wake kwa kwilunga na Kiristu, ili  
tuwe wahenzeluka itulihela nzambi hambele hake.**

**2 Timoteo 1:9 iyatukombole na iyatukemile tuwe iwanu wake, si kwa ichinu  
chochose chatutendile, ila kwa pfila pfabamile ye, na kwa uluso wake.  
Katutendela uluso kubitila Kiristu Yesu kulawa isi ng'ana ilumbighwe,**

**Yohane 3:16 Kwaapfila Imulungu tsakainoghela isi yose mbaka kamlapfa  
Imwanagħe nyalimwe, ili chila imunu iyomtoghola aleke kwagħha ila  
yawne u ghima wa għamatsuwa ghose.**

**Hosea 11:8; Isaya 49:15,16; & Isaya 41:13,14**

**Luka 12:32 "Mwemwe wanang'ina wangu, mleke kupfuka, kwaapfila Aba**

**wenu kanoghelwa kuweng'ani undewa.**

**Matei 28:20 na muwalangulitse kughakinda aghala ghose ghaniwalaghítse.**

**Na nene na hamwe namwe ghamatsuwa ghose mbaka iisi hait somala.”**

**Yohane 14:1 “Mleke kughanzika mne mimoyo yenu, mtogholeni Imulungu,  
pfipfila mnitoghole nene.**

**Tsaburi 23:1 - Yohane 10:11 “Nene namdimi yanninoghile. Mdimi yanoghile  
kolapfa ughima wake kwa wang'olo.**

**Tsaburi 23:2 - Ughubulo 7:17 Kwaapfila Mwanang'olo iyali habehi ne  
chighoda che undewa hala haghatighati katsakuwa mdimi wawo. Naye  
katsowalongosa kune tsimbwibwi tse ghamatsi ghe ughima. Naye  
Imulungu katsowabaghusa masotsi.”**

**Tsaburi 23:3,4 - Luka 1:79 Ghutsowamwemwesela iwanu wose iwali mne  
ichisi na sisila lya ifwa aghalongotse maghulu ghetu mne nzila iili  
tseghamba.”**

**Tsaburi 23:5,6 - 2 WaKolinto 1:10 Tsakatukombola mne ghamaghayo  
ing'aghadahile kutukoma, naye katsotukombola. Na twetwe twomlolela  
ye ye ka katsoghendelela kutukombola.**

**WaFilipi 4:7 Na tindiwalo lye Imulungu ilibita tsimbutsi tsose tse iwanu,  
litsololesa imimoyo na tsimbutsi tsenu mne ukwilunga ne Yesu Kiristu.**

**Tsimbuli 3:24 & Tsaburi 4:8 - Yohane 14:27 “Nowalekela iamani, noweng'a  
iamani yangu. Siweng'a bae ka isi pfaitendagha. Mleke kughanzika.  
Mleke kupfuka.**

**Tsaburi 33:18 - 1 Petiri 3:12 Kwaapfila nenge tse Imtwatsa tsowalola ghoya  
iwanu iwomnoghelesa ye ye na maghutwi ghake ghowategheletsa ghoya  
hawolomba. Lekeni Imtwatsa koweng'a chisogho awala iwotenda  
ghehile.”**

**WaRoma 5:2 Kwa ukutogholu kwetu, Yesu katughala kune uluso we  
Imulungu, na bila kupfuka twololela utunitso we Imulungu.**

**Isaya 55:12 - Luka 19:40 Yesu kawedika, “Nowalongela, hawano  
wang'enyamala, ghamabwe ghano ghatsolapfa litsi.”**

**Yohane 16:22 Namwe pfipfila, sambi mna usungu, lekeni nitsomwonani  
keli, namwe mtsodeng'elela, kuduhu imunu iyodaha kuwaboka  
ndeng'elelo yenu.**

**Luka 12:9 Lekeni imunu iyondema nene hambele he iwanu, naye Imwana  
we Imunu katsomlema hambele he malaika we Imulungu.”**

**Matei 10:30 Hata tsimvili itsili mwitwi mwenu tsipetighwa.**

**Isaya 54:10 - Matei 24:35 lilanga ne isi pfitsoluta lekeni mbuli tsangu ng'atsitsoluta mbe.**

**Matei 11:28-30 "Mtse kuna nene, mwemwe wose imdununzighwa ne imitsigho mitito, na nene nitsowatenda mbwihile. 29 Msole nira yangu, mwilangulitse kulawa kuna nene, kwaapfila nene nihola kuya na mwenyepfale we ghumoyo, namwe imimoyo yenu itsobwihila. 30 Kwaapfila nira yangu ndeke, na mtsigho ghwangu mbewe."**

**Selemani 2:10 & Hosea 2:14,19,20**

**2 WaKolinto 11:2 Nowonela chepfu, lekeni chepfu cha Imlungu, kwaapfila mwemwe ka mwali yanoghile yang'awasile ne mmale yanimlapfile tsengele kwa immale yumwe yaliyeka, iyo Kiristu.**

**Exodus 3:14 - WaEburaniya 13:8 Yesu Kiristu ka yuyula, ligholo, leloli na ghamatsuwa ghose.**

**Hosea 13:4 - Ghamatendo 4:12 Yeye yaliyeka iyodaha kuwakombola iwanu, kwaapfila mne isi yose kuduhu taghwa lyatwing'ighwe twetwe tukombolighwe nalyo."**

**Yohane 15:14 Mwemwe mwa sale tsangu mng'atenda achila chaniwalaghitse.**

**Yohane 14:6 Yesu kamwidika, "Nene na inzila, kweli na ughima. Haduhu imunu iyodaha kughenda kuna Aba ka ng'abitile bae kuna nene.**

**Ughubulo 3:20 Lola! Nakwima hane libani na noghong'onda. Imunu wowose ang'ahulika litsi lyangu, na kupfughula libani, nitsakwingila na ukuja naye, naye katsakuja na nene.**

**Pastor T. John Franklin  
Church of Salvation, Healing, and Deliverance  
COS-HAD.org**